



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

## **RAPORTI I EKSPERTIT SHQYRTUES**

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
<b>Ilir Halili</b>	<b>24.03.2025</b>	<b>29.04.2025</b>	<b>2025/0170</b>

### **BAZA LIGJORE E SHQYRTIMIT**

Me datën: 11.03.2025, OE “ALBIMI LTD”SH.P.K.”- Prishtinë, ka parashtruar ankesë me nr: 2025/0170, kundër anulimit të aktivitetit të prokurimit, lidhur me aktivitetin e prokurimit pjesa 2: “Furnizim me skuter elektrik me bateri rimbushese dhe biçikleta elektrike me bateri rimbushese” me nr. të prokurimit: "214-24-11421-1-1-1", iniciuar nga Autoriteti Kontraktues (AK) – POLICIA E KOSOVËS. Autoriteti kontraktues ka zbatuar procedurë të hapur, lloji i kontratës: , furnizim, vlera e parashikuar e kontratës për pjesën 2: 200,000€.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

### **DISPOZITAT E SHKELURA DHE PRETENDIMET ANKIMORE**

#### **Neni 1 Qëllimi**

- Neni 6 Ekonomiciteti dhe Efikasiteti
- Neni 7 Barazia në Trajtim/ Jo-Diskriminimi
- Neni 59 Ekzaminimi, Vlerësimi dhe Krahësimi i Tenderëve
- Neni 60 Kriteret për Dhënie të Kontratës
- Neni 62 i LPP-së

Raporti i ekspertit shqyrtues, lidhur me ankesën e parashtruar nga OE **"ALBIMI LTD"SH.P.K.**, lidhur me aktivitetin e prokurimit **"Furnizim me skuter elektrik me bateri rimbushëse dhe biçikleta elektrike me bateri rimbushëse"** me numër të prokurimit: **"214-24-11421-1-1-1**, të iniciuar nga Autoriteti Kontraktues (AK) – **POLICIA E KOSOVËS**

- Neni 69 Aftësia Teknike dhe/ose Profesionale
- Neni 72 Dokumentacioni dhe informacioni shtesë

## 8. Deklaratë detale mbi faktet dhe argumentet

Ankesa është për Furnizim me biçikleta elektrike me bateri rimbushëse-Lot 2, sipas dosjes së tenderit

Me datë 27.02.2025 përmes platformës elektronike e-prokurimi jemi njoftuar me Vendimin e AK-se dhe Letrën standarde për tenderuesin e eliminuar.

Në këtë letër standarde për eliminim nga aktiviteti i prokurimit janë cekur arsyet si ne vijim:

### ARSYETIM

[Ju jeni diskualifikuar] [Tenderi juaj është refuzuar] për këto arsye :

ALBIMI LTD"SH.P.K.

Ka ofertuar vetëm për pjesën 2:

Në dosjen e tenderit të specifikat teknike është kërkuar : Obligative Biçikletat Elektrike me ri-mbushje duhet të jenë sipas standardeve evropiane që përdoren në BE,  
OE edhe pas sqarimit nuk ka arritur të dëshmojë se prodhuesi është sipas standardeve evropiane që përdoren në BE. Anaj oferta juaj është e pa përgjegjshme .

Ne si operator ekonomik mendojmë që arsyet e dhena për eliminim të këtij aktiviteti të prokurimit nuk qëndrojnë pasi që ne i kemi plotësuar të gjitha kërkesat e kërkuara të dosjes së tenderit dhe të njoftimit për kontratë dhe këto i kemi kundërshtuar edhe ne kërkesën për rishqyrtim:

Në përputhje me specifikacionet teknike të kërkuara nga Autoriteti Kontraktues, kemi ofruar biçikleta që i plotësojnë të gjitha kushtet dhe kërkesat e përcaktuara në dokumentet e tenderit.

- Kemi dorëzuar Certifikatën e Baterisë, e cila është në përputhje me standardet e BE-së.
- Kemi ofruar Deklaratën e Konformitetit, që konfirmon se biçikleta i përmbush kushtet e BE-së dhe mund të përdoret në tregun evropian.

Duke qenë se produkti final është i përbërë nga pjesë të certifikuara sipas standardeve të BE-së, kjo tregon që edhe produkte final i përmbushë standarde, Autoriteti Kontraktues nuk ka kërkuar Certifikim specifik por vetëm ka cekur sipas standardeve Evropiane.

Sipas praktikave që i përdorim me klientët në eksport, ne i prodhojmë biçikletat sipas standardeve evropiane dhe e deklarojmë Certifikatën e Konformitetit. Në rastet kur klienti mund të ketë dyshime potenciale, atëher mund ta dërgoj biçikletën për certifikim me koston të cilën e bart klienti, sepse Biçikleta nuk ka nevojë për certifikim shtesë si njësi e tërë, por mbështetet në certifikimin e pjesëve përbërëse.

Ne kemi ofruar dokumentacion të plotë dhe të saktë sipas kërkesave të tenderit. Sipas praktikave të prokurimit publik dhe rregulloreve të BE-së, përdorimi i pjesëve të certifikuara mjafton për të garantuar përputhshmërinë me standardet.

Prandaj refuzimi i ofertës sonë nuk është i bazuar në një vlerësim të drejtë të dokumentacionit të dorëzuar.

si ne vijim:

#### **Pretendimi ankimor 1**

##### **- Neni 1 Qëllimi**

Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla.

AK-Policia e Kosovës duke eliminuar ofertën tonë si te pa përgjegjshme edhe pse oferta jonë sipas çmimit qe kemi dorëzuar është dukshëm me e lirë dhe ne harmoni me çmimet e tregut ka shkelur nenin 1 Qëllimi te LPP-së.

#### **Pretendimi ankimor 2**

##### **- Neni 6 Ekonomiciteti dhe Efikasiteti**

Sipas këtij neni të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

AK-Policia e Kosovës duke eliminuar ofertën me çmim me te lirë nuk ka respektuar këtë nenë dhe ne këtë mënyrë nuk ka bërë shfrytëzim të fondeve publike ne mënyrën me ekonomike, siç kërkohet sipas këtij neni.

#### **Pretendimi ankimor 3**

##### **- Neni 7 Barazia në Trajtim/ Jo-Diskriminimi**

Autoriteti kontraktues do ti trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente.

Eliminimi i ofertës sonë si ofertë e përgjegjshme dhe me çmim me te lirë dëshmon qartë trajtimin jo te barabartë ne mes te operatoreve ekonomik dhe AK-Policia e Kosovës ka bërë diskriminim ndaj ofertës sonë përkatësisht ndaj neve si operator ekonomik me çmim me te lirë.

#### **Pretendimi ankimor 4**

##### **- Neni 59 Ekzaminimi, Vlerësimi dhe Krahësimi i Tenderëve**

Sipas paragrafit 4 te nenit 59 te LPP-së :

1. Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit në fjalë, ose (ii) përmban vetëm devijime të vogla që nuk mund të shkaktojnë ndryshime materiale ose



devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve.

AK-Policia e Kosovës me datë 31.01.2025 ka kërkuar sqarimet shitesë përmes letrës standarde mbi sqarimin e tenderit si ne vijim:

**1. Ne dosjen e tenderit tek specifikat teknike te detyrueshme tek artikulli 8.**

Bateria	Ë integruar ne trup te biçikletës 36V 20Ah 720Wh me certificate. Minimumi i bateris te jete ne kete amperazh.
---------	---

Ju lutem na dorëzoni certifikatën sipas specifikave teknike te detyrueshme te kërkuar ne ANEKSIN 1.

**2. Në specifikave teknike është kërkuar : Biçikletë Elektrike me bateri ri-mbushëse që përdoret nga EU**  
Ju lutem te dëshmoheh sipas specifikave teknike te detyrueshme.

Ne me datë 05.02.2025 ju kemi dërguar sqarimet shitesë duke bashkangjitur dokumentin me numër UN38.3 TEST REPORT, i cili dëshmon kërkesën sipas autoritetit kontraktues, ky dokument do te jetë pjesë e kësaj ankese.

Përkundër ofrimit te këtij dokumenti AK-Policia e Kosovës nuk ka marrë për bazë dëshminë tonë dhe me datë 14.02.2025 na ka dërguar Letrën Standarde mbi tenderuesin e eliminuar, pikërisht me arsyetimin e eliminimit se ju si prodhues nuk keni arritur të dëshmoni se pajisjet e prodhuesit nuk janë sipas standardeve evropiane qe përdoren në BE.

Andaj nga përshkrimi i mësipërm rezulton qe AK kërkesën për sqarime e ka bërë vetëm sa për te u arsyetuar se kemi kërkuar sqarime shitesë ndërsa ne anën tjetër nuk merr për bazë fare dëshminë e ofruar nga ne.

Bazuar ne përshkrimin e mësipërm AK-Policia e Kosovës sipas shkeljeve te lartcekura rezulton qe ka bërë edhe shkelje te neneve :

- Neni 60 Kriteret për Dhënie e Kontratës
- Neni 62 i LPP-së
- Neni 69 Aftësia Teknike dhe/ose Profesionale
- Neni 72 Dokumentacioni dhe informacioni shitesë

Duke u bazuar në të gjitha faktet dhe argumentet që u cekën më lartë, kërkojmë nga OSHP që të merr:

**VENDIM**

**TË APROVOHET** ankesa e OE "ALBIMI LTD SH.P.K" si e bazuar

**TË ANULOHET** njoftimi dhe vendimi i AK-së i datës 19.02.2025 mbi anulimin e aktivitetit te prokurimit .

Të kthehet lënda në RIVLERËSIM-për Lot 2

**DETYROHET** autoriteti kontraktues të bëjë rivlerësimin e ofertave sipas dispozitave ligjore të LPP-së dhe konform kërkesave të dosjes së tenderit dhe të njoftimit për kontratë sepse ne si operator ekonomik i plotësojmë të gjitha kërkesat e dosjes së tenderit per Lot 2 dhe të njoftimit për kontratë dhe duhet të shpallemi fitues të këtij tenderi.

Nëse nuk merren narasvsh faktet tona. ne iemi të detyruar të vazhdojmë procedurën ligjore

## KRITERET PËR VLERËSIM

Dosja e Tenderit- Aneksi 1



Garancioni për trup të biçikletës duhet të jete 5 vite, ndërsa për bateri se paku duhet të jetë 2 vite, për mekanizmin e shpejtësisë dhe frenat duhet të jetë 2 vite garancioni. Obligative Biçikletat Elektrike me ri-mbushje duhet të jenë sipas standardeve evropiane që përdoren në BE, viti i prodhimit duhet të jetë aktual me urdhër blerjen. Ofertuesit duhet të sjellin katalogun e biçikletës.

## RAPORTI I KOMISIONI VLERËSUES

NJOFTIMI MBI VENDIMIN E AK

Operatori Ekonomik " ALBIMI LTD"SH.P.K..PJESA 2

**Titulli i kontratës: Furnizim me skuter elektrik me bateri rimbushëse dhe biçikleta elektrike me bateri rimbushëse**

<b>Nr. i prokurimit <sup>7</sup></b>	<b>214-24-11421-1-1-1</b>
<b>Nr i brendshëm</b>	<b>21424/163/111</b>

I/e nderuar(a) [Z/Znj]] "

Faleminderit që morët pjesë në procedurën e lartshënuar të prokurimit publik. Procedura është udhëhequr në pajtim me Ligjin për Prokurimin Publik Nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, siç citohet në vazhdim "LPP".

*Tenderi juaj është vlerësuar me kujdes sipas kushteve dhe kërkesave të dhëna në njoftimin e kontratës dhe në dosjen e tenderit. Me keqardhje ju njoftojmë se jeni eliminuar për shkak të arsyeve në vijim:  
Tenderi i juaj është administrativisht i papërgjegjshëm:*

#### ARSYETIM

[Ju jeni diskualifikuar] [Tenderi juaj është refuzuar] për këto arsye :  
ALBIMI LTD"SH.P.K.

Ka ofertuar vetëm për pjesën 2:

Në dosjen e tenderit të specifikat teknike është kërkuar : Obligative Biçikletat Elektrike me ri-mbushje duhet të jenë sipas standardeve evropiane që përdoren në BE,  
OE edhe pas sqarimit nuk ka arritur të dëshmojë se prodhuesi është sipas standardeve evropiane që përdoren në BE. Anaj oferta juaj është e pa përgjegjshme .

Nëse besoni se Autoriteti Kontraktues, gjatë procedurës së prokurimit publik, ka shkelur LPP apo rregullat e zbatueshme, ju keni të drejtë të parashtroni ankese pranë Autoritetit Kontraktues, në bazë të nenit 108/A të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Edhe nëse nuk kemi qene në gjendje t'i përdorim shërbimet tuaja kësaj here, besojmë se do të vazhdoni të shfaqni interesim për nismat tona të ardhshme të prokurimit .

Me respekt,



**INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK**

**VLERËSIMI SIPAS NENIT 4.1.26 TË LPP**

**VENDIMET E MËPARSHME TË OSHP LIDHUR ME RASTET E NGJASHME**

**ARSYETIMI PËR DEVIJIM NGA PRAKTIKA E MËPARSHME**

## **PËRGGJIGJE NË PRETENDIMET ANKIMORE TË OE ANKUES - "ALBIMI LTD"SH.P.K.**

### **Pretendimi nr.1**

Pretendimi kryesor sipas ankesës 170/25 ka të bëjë me arsyen e eliminimit të OE në këtë rast ankues, ku sipas AK-së OE edhe pas sqarimit nuk ka arritur të dëshmojë se prodhuesi është sipas standardeve evropiane që përdoren në BE.

OE ankues pretendon se ky arsyetim i AK-së është i pabazuar, pasi me dosje të tenderit nuk është kërkuar ndonjë certifikim apo ndonjë standard konkret për këtë kërkesë.

Përveç kësaj, OE ankues pretendon se si prodhues i biçikletave ka ofruar deklaratë të konformitetit se produktet që ofron janë në pajtim me Rregullat e BE-së, e po ashtu ka ofruar certifikatë për bateri, në pajtim me kërkesat e dosjes së tenderit.

Pas analizimit të ankesës dhe pretendimeve ankimore, dosjes së tenderit FDT-së de specifikave teknike, si dhe vendimit të AK-së në kërkesë për rishqyrtim japim sqarimet si në vijim.

Pas analizimit të dosjes, sa i përket kërkesës që biçikleta duhet të jetë në pajtim me standardet evropiane që përdoren në BE, përveç se kjo kërkesë nuk është paraqitur në FDT si kërkesë kualifikuese por është paraqitur në fund të specifikimit teknik, AK më tutje nuk ka përcaktuar se me çfarë dëshmie dokumentare mund të plotësohet kjo kërkesë, e po ashtu nuk ka përcaktuar ndonjë standard konkret i cili duhet të plotësohet.

Ne kemi hulumtuar se cilat janë ato rregulla që eventualisht aplikohen në BE sa i përket biçikletave rimbushëse (elektrike), dhe kemi gjetur se dy rregullat/kufizimet kryesore janë që fuqia e motorit elektrik të mos jetë më e madhe se 250Ë, dhe se asistenca e motorit elektrik nuk duhet të kalojë shpejtësinë 25km/h.

Nga shkresat e lëndës nuk kemi gjetur ndonjë dëshmi apo pretendim të AK-së përmes të cilit AK ka kontestuar fuqinë e motorit elektrik, shpejtësinë, apo mos plotësimin e çfarëdo elementi/specifikimi teknik.

Bazuar në këto që u cekën më lart, vlerësimi ekspertit është se deklarata e konformitetit nga prodhuesi i biçikletave është në pajtim me kërkesat e dosjes së tenderit, pasi nga AK nuk është kërkuar asnjë dokument/dëshmi dokumentare konkrete të cilën OE ankues nuk e plotëson, dhe kjo sipas neve paraqet shkelje të nenit 7, par.6, pika (v) të LPP-së : qëasnjë kërkesë,kriter,specifikimqë nuk është saktësuarkështu,të mos përdoret në procesin e përzgjedhjes së dhënies.

## **REKOMANDIMI I EKSPERTIT SHQYRTUES**

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për anulim të aktivitetit të prokurimit për pjesën 2 dhe rekomandon që lënda të kthehet në rivlerësim.



Raporti i ekspertit shqyrtues, lidhur me ankesën e parashtruar nga OE **"ALBIMI LTD"SH.P.K.**, lidhur me aktivitetin e prokurimit **"Furnizim me skuter elektrik me bateri rimbushëse dhe biçikleta elektrike me bateri rimbushëse"** me numër të prokurimit: **"214-24-11421-1-1-1**, të iniciuar nga Autoriteti Kontraktues (AK) – **POLICIA E KOSOVËS**

Raporti i ekspertit shqyrtues, lidhur me ankesën e parashtruar nga OE **"ALBIMI LTD"SH.P.K.**, lidhur me aktivitetin e prokurimit **"Furnizim me skuter elektrik me bateri rimbushëse dhe biçikleta elektrike me bateri rimbushëse"** me numër të prokurimit: **"214-24-11421-1-1-1**, të iniciuar nga Autoriteti Kontraktues (AK) – **POLICIA E KOSOVËS**

Raporti i ekspertizës ti dorëzohet:

- Autoritetit Kontraktues – **POLICIA E KOSOVËS**
- Panelit Shqyrtues – **OSHP**
- OE ankues – **"ALBIMI LTD"SH.P.K.**

**Ilir Halili**

